



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბენაშვილი ანდრია სიმონის ძე

ბენაშვილი ანდრია სიმონის ძე [2 (14). XII. 1852, სოფ. ზემო მაჩხაანი, ახლანდ. დედოფლისწყაროს მუნიციპალიტეტი, - 10 (23). XII. 1908, ქუთაისი], პედაგოგი, გრამატიკოსი, მუსიკათმოცდნე.

დაამთავრა თბილ. სას. სემინარია. მოღვაწეობდა ქუთაისში, სას. სასწავლებელში ასწავლიდა ქართ. ენას, ქალთა საეპარქიო სასწავლებელში - გალობას; ლოტბარობდა გაბრიელ ეპისკოპოსის მგალობელთა გუნდს. გამოსცა „ქართული ხმები. საეკლესიო გალობა წმ. იოანე ოქროპირის წირვის წესისა ქართლ-კახეთის კილოზე. ხალხური სიმღერები, შეკრებილი და ნოტებზე გადაღებული“ (1885), „მოკლე ქართული გრამატიკა“ (1894), რ-საც სახელმძღვანელოდ იყენებდნენ საქართვე. სას. სასწავლებლებში. ნაშრომი 2 ძირითადი ნაწილისაგან შედგება: ეტიმოლოგიისა და სინტაქსისაგან. ნამძღვარებული აქვს ცნობები ქართ. ანბანისა და მარცვალთრაოდენობის შესახებ. განხილულია მეტყველების ნაწილთა კლასიფიკაცია და სინტაქსის ძირითადი საკითხები. ერთვის სასვენი ნიშნების ხმარების წესები.

ა. შანიძე

თ. გვერდნითელი
